

notice ne se peult aquerir sans celle diuine in-  
spiration: veu que toute inspiration prophe-  
tique reçoit prenant son principal principe  
mouant de Dieu le createur, puis de l'heur,  
& de nature. Parquoy estans les causes indiffe-  
rantes, indifferemment produictes, & non  
produictes, le presage parue aduiét, ou à esté  
predit. Car l'etédemēt créé intellectuellemēt  
ne peult voir occultemēt, sinō par la voix fai-  
cte au lymbe moyennant la exigue flamme en  
quelle partie les causes futures se viēdrōt à in-  
cliner. Et aussi mō filz ie te supplie que iamais  
tu ne vueilles ēploier tō entédemēt à telles res-  
ueries & vanités qui seichent le corps & met-  
tent à perdition l'ame, dōnant trouble au foy-  
ble sens: mesmes la vanité de la plus que exe-  
crable magie reprouuée iadis par les sacrées  
escriptures, & par les diuins canons: au chef  
duquel est excepté le iugement de l'astrolo-  
gie iudicielle: par laquelle & moyennant in-  
spiration & reuelation diuine par continuel-  
les veilles & supputations, auons noz prophe-  
ties redigé par escript. Et combien que celle oc-  
culte Philosophie ne fust reprouuée, n'ay on-  
ques volu presenter leurs effrenées persuasiōs:

B